

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

Z a k l j u č a k

**o odbacivanju Prijave namjere koncentracije
privrednog subjekta Vispak d.d. za prehrambenu industriju Visoko**

**Sarajevo
decembar, 2017. godine**



Broj: UP- 05-26-1-032-12/17
Sarajevo: 20.12.2017. godine

Na osnovu člana 25. stav (1) tačka e), člana 42. stav (2), u vezi sa članovima 12. i 14. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi namjere koncentracije privrednog subjekta Vispak d.d. za prehrambenu industriju Visoko, Ozrakovići bb, 71 300 Visoko, zaprimljenoj dana 29.09.2017. godine pod brojem: UP- 05-26-1-032-1/17, Konkurencijsko vijeće Bosne i Hercegovine, na 15. (petnaestoj) sjednici održanoj dana 20.12.2017. godine, donijelo je

ZAKLJUČAK

1. Odbacuje se Prijava koncentracije privrednog subjekta Vispak d.d. za prehrambenu industriju Visoko, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Ovaj Zaključak bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće je zaprimilo, pod brojem: UP- 05-26-1-032-1/17 dana 29.09.2017. godine, Prijavu koncentracije (u daljem tekstu: Prijava) privrednog subjekta Vispak d.d. za prehrambenu industriju Visoko, Ozrakovići bb, 71 300 Visoko (u daljem tekstu: Vispak ili Podnosilac prijave) kojom isti namjerava, kupovinom većine dionica, steći kontrolu nad privrednim subjektom Svjetlostkomerc d.d. Sarajevo društvom za unutrašnju i spoljnu trgovinu ul. Muhameda Kantrardžića br.3, 71 000 Sarajevo (u daljem tekstu: Svjetlostkomerc ili ciljano društvo).

Uvidom u zaprimljenu Prijavu Konkurencijsko vijeće je utvrdilo da istu treba pojasniti i precizirati te je u tom smislu dana 04.10.2017. godine aktom broj: UP- 05-26-1-032-2/17 uputilo Zahtjev za dodatnim pojašnjenjem Prijave koncentracije.

Podnosilac prijave je dana 12.10.2017. godine podneskom zaprimljenim pod brojem: UP- 05-26-1-032-3/17 zatražio produženje roka kako bi kompletirao i dostavio traženo pojašnjenje. Konkurencijsko vijeće je zahtjev ocijenilo opravdanim te aktom broj: UP- 05-26-1-032-4/17 istoga dana odobrio dodatni rok za dostavu.

Podnosilac je traženu dopunu dostavio dana 30.10.2017. godine podneskom koji je zaprimljen pod brojem: UP- 05-26-1-032-5/17.

Konkurencijsko vijeće se zatim ponovo obratilo Podnosiocu prijave dana 14.11.2017. godine zahtjevom za dodatnim informacijama broj: UP- 05-26-1-032-6/17. Tražena dopuna zaprimljena je 27.11.2017. godine podneskom broj: UP- 05-26-1-032-7/17, dana 04.12.2017. godine podneskom broj: UP- 05-26-1-032-8/17 te dana 08.12.2017. godine podneskom broj: UP- 05-26-1-032-9/17.

Po prijemu dokumentacije Konkurencijsko vijeće je utvrdilo da je Prijava kompletna i izdalo Potvrdu o prijemu kompletne i uredne Prijave, u skladu sa članom 30. stav (3) Zakona o konkurenciji, dana 14.12.2017. godine, pod brojem: UP- 05-26-1-032-10/17.

Konkurencijsko vijeće analizom Prijave je utvrdilo slijedeće činjenice:

Prijava je podnesena, u smislu člana 16. stav (1) Zakona o konkurenciji obzirom da je pravni osnov predmetne koncentracije Ponuda za preuzimanje dionica.

Prema navodima Podnosioca prijave, isti ima nema obavezu podnošenja prijave namjere koncentracije konkurencijskim organima drugih zemalja.

Uvidom u dostavljenu dokumentaciju utvrđeno je slijedeće:

1. Učesnici koncentracije

Učesnici predmete koncentracije su privredni subjekti Vispak d.d. za prehrambenu industriju Visoko, Ozrakovići bb, 71 300 Visoko i Svjetlostkomerc d.d. Sarajevo, društvo za unutrašnju i spoljnu trgovinu ul. Muhameda Kantrardžića br.3, 71 000 Sarajevo.

1.1. Vispak, Podnosilac prijave

Privredni subjekt Vispak d.d. za prehrambenu industriju Visoko, Ozrakovići bb, 71 300 Visoko je upisan u registar Općinskog suda u Zenici pod matičnim brojem: 43-02-0003-09.

Pretežna registrovana djelatnost društva je prerada čaja i kafe.

Vispak ima četiri poslovne jedinice (*caffe shop*-ove) i to dvije u Bugojnu i po jednu u Visokom i Zenici.

1.2. Svjetlostkomerc, ciljano društvo

Privredni subjekt Svjetlostkomerc d.d. Sarajevo, društvo za unutrašnju i spoljnu trgovinu ul. Muhameda Kantrardžića br.3, 71 000 Sarajevo je upisan u registar Općinskog suda u Sarajevu pod matičnim brojem: 65-02-0021-11.

Pretežna registrovana djelatnost društva je trgovina na malo knjigama u specijalizovanim prodavnicama.

Svjetlostkomerc trgovinu obavlja putem maloprodajne mreže 18 knjižara u 9 gradova od čega ih je 9 u Sarajevu, 2 u Tuzli, i po jedna u Jajcu, Gračanici, Bihaću, Goraždu, Zenici, Visokom i Tešnju.

2. Pravni osnov i oblik koncentracije

Kao pravni osnov koncentracije dostavljena je Ponuda za preuzimanje ciljanog društva od strane Podnosioca prijave od 27.09.2017. godine. U Ponudi se navodi da je ponuditelj Vispak vlasnik (..)* dionica emitenta privrednog subjekta Svjetlostkomerc što predstavlja (..) % ukupno emitovanih dionica emitenta Svjetlostkomerc. Ponuda za preuzimanje se odnosi na (..) redovnih dionica na ime što predstavlja (..) % od ukupnog broja dionica koje u trenutku davanja Ponude nisu u vlasništvu ponuditelja.

* (..) – podaci predstavljaju poslovnu tajnu

Cilj Ponude za preuzimanje je preuzimanje vlasništva nad kompanijom u (..) % iznosu u roku od okončanja ponude za preuzimanje.

U dopuni Prijave navodi se da je 14.09.2017. godine Vispak stekao dionice emitenta Svjetlostkomerc u iznosu od (..) % ukupno emitovanih dionica emitenta

Pravni oblik koncentracije predstavlja sticanje kontrole privrednog subjekta Vispak nad privrednim subjektom Svjetlostkomerc, u smislu člana 12. stav (1) tačka b) pod 1) Zakona.

3. Pravni okvir ocjene koncentracije /transakcije

Konkurencijsko vijeće je u provođenju postupka ocjene dopuštenosti predmetne koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10), te Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik BiH“, broj 34/10).

4. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni godišnji prihodi privrednih subjekata Vispak i Svjetlostkomerc, na dan 31. decembra 2016. godine:

Tabela 1.

	Vispak	Svjetlostkomerc
Ukupan prihod (KM)	(..)	(..)

Izvod: podaci iz Prijave/dopune Prijave

5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Pretežna registrovana djelatnost privrednog subjekta Vispak je prerada čaja i kafe.

Ciljano društvo, privredni subjekt Svjetlostkomerc, putem maloprodajnih i veleprodajnih lanca vrši prodaju prvenstveno školskog pribora, udžbenika, kancelarijskog pribora, knjiga te darovne galanterije.

Uzimajući u obzir pretežnu registrovane djelatnosti privrednih subjekata učesnika koncentracije, relevantno tržište proizvoda i/ili usluga u konkretnom slučaju je relevantno tržište distribucije i prodaje na veliko i malo školskog pribora, udžbenika, kancelarijskog pribora, knjiga te darovne galanterije.

Obzirom da privredni subjekt Svjetlostkomerc poslove veleprodaje obavlja na području cijele Bosne i Hercegovine, a djelatnost maloprodaje na području Federacije Bosne i Hercegovine, pod relevantnim geografskim tržištem predmetne koncentracije za poslove distribucije i prodaje na veliko školskog pribora, udžbenika, kancelarijskog pribora, knjiga te darovne galanterije smatra se tržište Bosne i Hercegovine dok se za tržište maloprodaje školskog pribora, udžbenika, kancelarijskog pribora, knjiga te darovne galanterije smatra područje Federacije Bosne i Hercegovine.

6. Analiza tržišta predmetne koncentracije

Učesnici koncentracije, imajući u vidu njihove pretežne registrovane djelatnosti, posluju na različitim tržištima te, shodno tome, predmetnom koncentracijom neće doći do preklapanja kao ni do promjene njihovih pojedinačnih tržišnih udjela.

Ciljano društvo, privredni subjekt Svjetlostkomerc putem maloprodajnog i veleprodajnog lanca vrši prodaju prvenstveno školskog pribora, udžbenika, kancelarijskog pribora, knjiga te darovne galanterije. Putem veleprodaje snadbijeva tržne centre Bingo, Robot, Fis itd. i to na području cijele Bosne i Hercegovine.

Prema kriteriju ukupnih prihoda, a prema podacima Podnosioca prijave, tržišni udio privrednog subjekta Svjetlostkomerc na tržištu veleprodaje školskog pribora, udžbenika, kancelarijskog pribora, knjiga te darovne galanterije iznosi (..) % na tržištu Bosne i Hercegovine.

Pregled udjela privrednog subjekta Svjetlostkomerc i njegovih glavnih tržišnih konkurenata na tržištu veleprodaje školskog pribora, udžbenika, kancelarijskog pribora, knjiga te darovne galanterije u 2016. godini dat je Tabeli 2:

Tabela 2.

	Naziv privrednog subjekta	Ukupan prihod 2016	%
1	Grafotisak d.o.o. Grude	(..)	(..)
2	Europapir-Hercegtisak d.o.o. Široki Brijeg	(..)	(..)
3	Gatarić d.o.o. Derventa	(..)	(..)
4	R&S	(..)	(..)
5	Silk Trade d.o.o. Tešanj	(..)	(..)
6	Pulse design d.o.o. Banja Luka	(..)	(..)
7	Svjetlostkomerc d.o.o. Sarajevo	(..)	(..)
8	Aero-exclusive d.o.o. Sarajevo	(..)	(..)
9	Planjax komec d.o.o. Tešanj	(..)	(..)
10	Murix d.o.o. Jelah	(..)	(..)
11	Domarg d.o.o. Sarajevo	(..)	(..)
	UKUPNO	(..)	100

Izvor: dopuna Prijave (Tron System d.o.o. Sarajevo)

Svjetlostkomerc djelatnost maloprodaje obavlja putem 18 specijalizovnih prodavnica – knjižara koje se nalaze na području Federacije Bosne i Hercegovine, i to Sarajevu, Tuzli, Jajcu, Gračanici, Bihaću, Goraždu, Zenici, Visokom i Tešnju.

Pregled udjela privrednog subjekta Svjetlostkomerc i njegovih glavnih tržišnih konkurenata na tržištu maloprodaje školskog pribora, udžbenika, kancelarijskog pribora, knjiga te darovne galanterije u 2016. godini dat je Tabeli 3:

Tabela 3.

	Naziv privrednog subjekta	Ukupan prihod 2016	%
1	Svjetlostkomerc d.o.o. Sarajevo	(..)	(..)
2	Buybook d.o.o. Sarajevo	(..)	(..)
3	Šahinpašić d.o.o. Sarajevo	(..)	(..)
4	Logovita d.o.o. Mostar	(..)	(..)
5	Books.ba d.o.o. Sarajevo	(..)	(..)
6	Naklada Begen d.o.o. Sarajevo	(..)	(..)
7	Multi-trade d.o.o. Široki Brijeg	(..)	(..)
8	Kamex d.o.o. Zavidovići	(..)	(..)
9	Sakarmento d.o.o. Čitluk	(..)	(..)
10	Hamidović d.o.o. Tuzla	(..)	(..)
11	Trsat-polo d.o.o. Novi Travnik	(..)	(..)
12	Naklada Mate d.o.o.	(..)	(..)
13	Rad komerc d.o.o. Zenica	(..)	(..)
14	Sm-commerc d.o.o. Kakanj	(..)	(..)
15	Editrice Mir d.o.o. Međugorje-Čitluk	(..)	(..)
16	Tiberias d.o.o. Čitluk - Međugorje	(..)	(..)
17	Pyrus d.o.o. Zenica	(..)	(..)
18	Zangro d.o.o. Ilidža	(..)	(..)
19	Oklli d.o.o. Velika Kladuša	(..)	(..)
20	Mioblast d.o.o. Tuzla	(..)	(..)
	UKUPNO	(..)	100

Izvor: dopuna Prijave (Tron System d.o.o. Sarajevo)

Prema navodima iz dopune Prijave analizom su obuhvaćeni samo subjekti čija je osnovna šifra djelatnosti 47.61 – trgovina na malo knjigama u specijalizovanim prodavnicama tako da su podaci koji su navedeni u Tabeli 1. Predstavljaju zapravo najveće tržišno učešće u segmentu maloprodaje jer postoji velika vjerovatnoća da postoje privredni subjekti koji su prisutni na ovom tržištu ali posluju pod drugim šifrom djelatnosti te zbog toga nisu obuhvaćeni analizom.

Prema podacima iz dopune Prijave tržišni udio privrednog subjekta Svjetlostkomerc na području Federacije Bosne i Hercegovine putem maloprodaje iznosi (..) %.

6. Ocjena koncentracije

Prema podacima iz Prijave (Tabela 1.) učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona.

Također, u smislu naprijed navedenog, Tabele 2 i 3, učesnici koncentracije nisu ispunili ni uslov da je njihov zajednički tržišni udio na relevantnom tržištu veći od 40,0%.

Na osnovu naprijed navedenog, utvrđeno je da privredni subjekt Visak nije bio obavezan podnijeti Prijavu koncentracije, u smislu člana 14. Zakona, te je odlučeno kao u dispozitivu.

7. Administrativna taksa

Podnosilac prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednik

Ivo Jerkić